



1




*Hemia hem i Bong. Hem i stap sidaon long stul mo i stap spel.*

2




*Stul ya i olfala. Afta, stul ya i brok, mo Bong i foldaon long graon.*

3




*Bong i wantem fiksimap stul ya. Hem i go blong karem samfala tul mo wan pis wud.*

4




*Afta we Bong i aot, (fren blong hem) Adam i kam mo i luk stul we i brok.*

5




*Adam i stap tingting se from wanem nao stul ya i brok.*

6




*Adam i stap ting se maet samfala pikinini oli stap jamjam long stul nao i brok.*

7




*Taem Bong i kambak long stul we i brok ya, Adam i talem long hem se samfala pikinini oli jamjam brekem stul.*

8




*Bong i kirap i laf. Hem i talem long Adam i se hem nao i bin sidaon brekem stul ya.*

9



*Adam i givhan long Bong blong fiksimap stul  
ya wetem wan nyufala pis wud.*

10



*Taem wok i finis, tufala i taed tumas nao tufala  
i sadaon long gudfala stul.*